

明

會

要

明會要卷四十二

永新龍文彬纂

職官十四

駙馬都尉

元駙馬皆封王爵

駙馬都尉位次於侯凡尙大長公主長公主公主並曰駙馬都尉尙郡主縣主郡君鄉君曰儀賓食祿有差皆不得

預政事

王圻通考

凡選駙馬禮部榜諭在京官員軍民子弟年十四至十六容貌齊整行止端莊有家教者報名司禮內臣於諸王館

會選

禮志

洪武三年以駙馬都尉王恭爲福建行省參政

世法錄

三月定駙馬都尉班次在百官本品之上由西門出入

大政

記

駙馬都尉黃琛王克恭誥稱鎮國上將軍蓋正二品也琛克恭所尙主太祖從姊例當裁爲儀賓太祖不忍故仍其號而下其階

弇山集

十九年敕駙馬都尉梅殷提督山東學校兼理地方事務

弇山集

帝春秋高諸王強盛殷嘗受密命輔皇太孫及燕師

日逼惠帝命殷充總兵官鎮守淮安悉心防禦號令嚴明

燕兵破何福軍執諸將平安等遣使假道於殷殷割使者

耳鼻縱之曰留汝口爲殿下言君臣大義王爲氣沮

公主傳

二十一年東川侯胡海子觀選尙主太祖爲觀擇師難其人以命徐宗實中使援他府例置駙馬位中堂南向而布師席於西階上東向宗實手引駙馬位使下然後爲說書左右大驚相顧以目帝聞而嘉之

徐宗實傳

永樂初都指揮款台乘馬過駙馬都尉袁容門容怒其不下筆之幾死成祖聞之賜趙王高燧書曰自洪武來往來駙馬門者未聞令下馬也昔晉王敦爲駙馬縱恣暴橫卒以滅亡汝其以書示容令械辱款台之人送京師容由是

歛戢

公主傳

宣德三年詔駙馬不務詩書通古今曉忠孝仁義之道必至怠惰驕縱何以保富貴須使之親近儒生先朝駙馬家有學錄可擇端重儒者一人命之教督會典

正德中劉瑾下獄詔廷訊有問者瑾輒指其人附己廷臣無敢詰駙馬都尉蔡震厲聲曰我皇家至戚應不附爾趣獄卒拷掠之瑾乃服罪

世宗入繼駙馬都尉崔元以迎立功封京山侯給誥券禮部言奉迎乃臣子之分遽膺封爵無故事帝曰永樂初年太宗入繼大統駙馬都尉王甯以翊戴功封永春侯何得言無故事科道連章論其不可皆不聽已上公傳

嘉靖六年始定禮部主事一人專在駙馬府教習

禮志

三十三年駙馬都尉鄔景和奉旨直西苑撰立文以不諳立理辭帝不悅罷其入直已而賚在直諸臣景和與焉景和辭免且言臣願洗心滌慮効馬革裹尸之報帝怒其怨

訕黜爲民

公主傳

崇禎十六年二月帝召公侯伯於德政殿言祖制勦臣駙馬入監讀書習武經弓馬諸臣各有子弟否成國公朱純臣定國公徐允禎等皆以幼對駙馬都尉鞏永固獨上疏請肄業大學帝褒答之

公主傳

五軍都督府

元大都督府

太祖丙申下集慶路置樞密院辛丑二月丁丑改爲大都督府以朱文正爲大都督節制中外諸軍事參議宋思顏參軍事四月辛巳朔以李善長兼領大都督府司馬集吳元年更定官制罷大都督不設以左右都督爲長官正一品都督同知從一品都督副使正二品都督僉事從二品參議正三品以戶部尙書樊思民爲之

職官志

洪武三年御史袁凱言諸將習兵事恐未悉君臣禮請於都督府延通經學古之士令諸武臣赴都堂聽講庶得保族全身之道十月丙辰詔儒臣更直午門爲武臣講經史

袁凱傳

九年罷都督副使改參議爲掌判官吏部尙書陳銘爲之
十年升都督僉事爲正二品掌判官爲正三品

職官志

七月以李文忠領大都督府事敕曰大都督府掌天下兵
馬其遷選調遣辨強弱知險易發放有節進退有信防姦
禦侮非止一端朕以機密託之腹心匪第賞功良以都督
天下兵馬職任綦重今府僉事已任左右都督同知特以
爾專行提調府事一應遷選調遣務從爾議然後一同來
奏若府官及大小軍職有不如律者卽便究治有功者奏
聞毋隱

世法錄

十三年改都督府爲中左右前後五軍都督府分領在京

各衛所及在外各都司衛所

職官志

二十二年四月丙辰分建五軍斷事司於太平門外

大政記

二十七年正月甲辰上諭五軍都督府曰朕嘗令武臣子弟演習武藝今天下久安彼年少者惟安享父兄俸祿博弄遊戲一旦襲職弓矢不諳能爲國家效力乎近揚州衛指揮使單壽襲其父職帥兵泰州捕寇猝與賊遇遂懼而走由其不諳習故耳自今武臣子弟年及二十五軍都督府試其騎射嫻習許襲否則授職止給半俸候三年復試之中者給全俸不能者謫爲軍著爲令

昭代典則

永樂元年設北京留守行後軍都督府後又分五府稱行

在五軍都督府十八年除行在字在應天者加南京字洪
熙元年復稱行在仍設行後府宣德三年又革正統六年
復除行在字

職官志

宣德初張昇進左都督掌左府事敕諭昇曰卿舅氏至親
日理劇務或以吏欺謾連不問則廢法問則傷恩其罷府
事朝朔望官祿如故稱朕優禮保全之意

外戚傳

初仁宗將還都南京設行後軍都督府及行部凡五府六
部文移申達必經行府行部多重複稽誤宣德三年帝命
公侯伯尙書都御史翰林學士議於是張輔蹇義等言北
京既有府部行府行部宜罷從之

三編

五軍都督府掌印缺於見任公侯伯取一人僉書缺於帶俸公侯伯及在京都指揮在外總兵官推二人

選舉志

舊制都督府遣使於外必領內勘合下都司不敢輒下衛宣德間軍府寢橫使者挾關文四馳歷諸衛股軍伍貴州按察使應履平言勘合之設所以防詐僞今右軍府遣發至黔者不遵故事小人憑勢橫求詐冒何從省宣宗善其言都督陳政引罪帝令諸司永守之軍府爲之戢

應履平傳

天順二年五月孫繼宗督五軍營戎務兼掌後軍都督僉事自景泰以前外戚無典兵者帝見石亨張軌輩以營軍奪門故使繼宗參之

天順中楊善以禮部尙書改掌左軍都督府成化中王越

以左都御史改掌前軍都督府

已上夢
餘錄

正德以來軍職冒濫爲世所輕內之部科外之監軍督撫
疊相彈壓五軍府更如贅疣

兵志

正德十六年令五府及錦衣衛必由都指揮屢著勲猷者

升授

選舉志

嘉靖五年十一月丙午給事中管律言比來五府掌印僉
事五軍三千神機等營坐營坐司類以侯伯爲之流官擢
用者不過一二以國家兵馬綱領之地坐擁衆養驕侈之
徒平居無事茫不知兵一遇有警束手無措乞敕所司嚴

加簡汰而以諸將官有年力勲績可備緩急之用者當之
且都督流官無所倚恃恩之易感威之易行公侯世爵難
殲有犯不能盡其法有求必欲盡其恩此祖宗於兵政所
以重任都督而不輕授侯伯也章下所司

明政
統宗

五府僉書有以都督充者至掌印則必勲臣嘉靖八年令
五府掌印官都督有才望者一體推用終不能行都督有
三等曰左右都督曰都督同知曰都督僉書是爲世官副
都督則流官也

春明夢
餘錄

嘉靖二十九年給事中楊允繩請令五軍都督府府軍前
衛及錦衣衛堂上官每遇考選軍政之歲各具疏自陳聽

科道官拾遺騰驤四衛及錦衣指揮以下聽兵部考察詔

從之著爲令

楊允
綱傳

上直衛

元哈喇婁
萬戶府

上十二衛錦衣衛旗手衛金吾前衛金吾後衛羽林左衛
羽林右衛府軍衛府軍左衛府軍右衛府軍前衛府軍後
衛虎賁左衛

洪武
中置

上十衛金吾左衛金吾右衛羽林前衛燕山左衛燕山右

衛燕山前衛大興左衛濟陽衛濟川衛通州衛

永樂
中置

四衛營騰驤左衛騰驤右衛武驤左衛武驤右衛

宣德
中置

已上二十六衛番上宿衛名親軍以護宮禁不隸五都

督府而錦衣衛主巡察緝捕理詔獄以都督都指揮領之蓋特異於諸衛焉

錦衣衛

元拱衛直

太祖甲辰設拱衛司領校尉隸都督府尋

改拱衛指揮使司洪武二年定爲親軍都尉府統中左右前後五衛軍士而設儀鑾司隸焉十五年罷府及司置錦衣衛親軍指揮使司鎮撫司理衛中刑名如列衛兼管軍匠王所通考二十年以治錦衣衛者多非法陵虐乃焚刑具出繫囚送刑部審錄詔內外獄咸歸三法司罷錦衣獄成祖時復置尋增北鎮撫司專治詔獄而以舊所設爲南鎮撫司諸衛親軍皆以番直宿衛執戈戟嚴巡警監門禁而錦衣

所掌者乃鹵簿儀仗之事旗手所司者乃旗纛金鼓之物
諸衛皆統軍卒而錦衣獨領校尉力士卽周之旅賁虎賁
也諸軍皆世卒而府軍獨簽幼軍卽漢之六郡良家子也
諸衛正卒一惟其世獨錦衣之任則不必世而以能御座
則夾陛而立御輦則扶轅以行出警而入蹕承旨而傳宣
皆在所司而詔獄所寄則尤重

錦衣典親軍其後寄以詞察之柄體勢日隆然本非尊官
也故雖紀綱門達遂杲之橫肆而綱達不過都指揮僉事
杲僅指揮同知而已袁彬自都指揮出僉都督府方晉橫
玉正德初高得材緣從父鳳柄司禮傳升右都督終以非

例於五府帶俸錢甯繼踵雖貴盛之極而意猶歉然請以都指揮理事至於陸炳加公孤朱希孝太保兼宮傅而寵斯極矣

已上夢餘錄

留守衛

元左右阿蘇衛

明初置都鎮撫司總領禁衛隸都督府洪武三年改爲留守衛指揮使司後升爲留守都衛八年復爲留守衛十一年改留守中衛增置留守左右前後四衛專司巡察守衛隸都督府者三十有三留守左衛鎮南衛驍騎右衛龍虎衛藩陽左衛藩陽右衛

隸左軍

留守右衛武德衛虎賁右衛

隸右軍

留守中衛神策衛應天衛和陽衛

隸中軍

留守前衛龍

驤衛豹韜衛

隸前軍

留守後衛鷹揚衛興武衛會州衛富峪

衛寬和衛神武左衛大甯中衛大甯前衛忠義右衛忠義

前衛忠義後衛義勇右衛義勇前衛義勇後衛武城中衛

蔚州左衛

隸後軍

非親軍而不隸都督府者十有五武功中衛武功右衛

以

故隸工部永清左衛永清右衛彭城衛長陵衛獻陵衛景陵衛

裕陵衛茂陵衛泰陵衛康陵衛永陵衛昭陵衛

已上職官志

洪武中設錦衣等上十二衛以衛宮禁留守等四十八衛

以衛京城上十二衛爲親軍指揮使司番直宿衛不隸於

都督府永樂中設五府各衛於北京改前北平三衛爲金

吾左右衛爲羽林前衛改北平都司爲燕山左右衛爲濟陽通州衛是爲上十衛與騰驤左右衛武驤左右衛四衛亦得名親軍其武功中左右衛以匠役隸工部諸陵設衛不隸都督府亦不稱親軍凡親軍衛得直達兵部其餘衛分流官世官土官襲替優給優養所衛都司上之府引奏

送兵部

夢餘錄

景泰中給事中張甯言京衛帶俸武職一衛至二千餘人通計三萬餘員歲需銀四十八萬米三十六萬並他折俸物動經百萬耗損國儲莫甚於此而其間多老弱不嫻騎射之人莫若簡可者補天下都司衛所缺而悉汰其餘議

格不行

張甯傳

南京武職

南京五軍都督府分掌南京衛所以達於南京兵部

南京衛指揮使司凡四十有九分隸五都督府者三十有

二留守左衛鎮南衛水軍左衛驍騎右衛龍虎衛龍虎左

衛英武衛龍江右衛潘陽左衛潘陽右衛

隸左府

留守右衛

虎賁右衛水軍右衛武德衛廣武衛

隸右府

留守中衛神策

衛廣洋衛廣天衛和陽衛及牧馬千戶所

隸中府

留守前衛

龍江左衛龍驤衛飛熊衛天策衛豹韜衛豹韜左衛

隸前府

留守後衛橫海衛鷹揚衛興武衛江陰衛

隸後府

親軍指揮

使司十有七金吾前衛金吾後衛金吾左衛金吾右衛羽

林左衛羽林右衛羽林前衛府軍衛府軍左衛府軍右衛
府軍後衛虎賁左衛錦衣衛旗手衛江淮衛濟川衛孝陵
衛與左府所屬十衛右府所屬五衛前府所屬七衛後府
所屬五衛並聽中府節制

已上職官志

永樂北遷命中府掌事官守備南京節制在南諸衛所

兵志

洪熙元年命中官鄭和領下番官軍守備南京於內則與
內官王景宏等協同管事遇外有事則與襄城伯李隆等

商議施行

三編

景泰間增設同守備官

萬曆三十一年添設南中軍標營選大教場卒千餘設中

軍參將統練

已上兵志

王府護衛

元內史府典軍司

明初諸王府置護軍府洪武三年置儀衛司五年置親王護衛指揮使司每王府設三護衛衛設左右前後中五所

九年罷護軍府

職官志

十年正月以羽林等衛軍益秦晉燕三府護衛各二千二

百餘人

三編

三編發明日初秦晉燕三府護衛各一千數百人葉伯巨已謂優以甲兵衛士之盛恐數世之後尾大不掉宜

及其未之國之先滅其兵衛云云矣太祖旣不用其言
又從而加益之蓋以是三府者皆臨邊阨塞欲厚其勢
以捍外侮耳於是晉燕二王尤被重寄數命統兵出塞
大將皆受節制而怙寵憑強燕藩卒挾以構逆不可謂
燕貽之善也

建文元年八月詔削甯王權三護衛

永樂元年六月革代王桂三護衛及其官屬

四年四月削齊王榑官屬護衛

六年正月削岷王楸護衛

十年削遼王植護衛

已上諸王傳

十四年十一月削漢王高煦二護衛

本紀

洪熙元年趙王高燧辭常山左右二護衛宣德二年請還常山中護衛及羣牧所儀衛司官校帝命收其所還護衛而與儀衛司

宣德初韓王松請蠲護衛屯租建邸第許之

七年肅王瞻炤上二護衛

天順初革甯王奠培護衛正德二年奠培孫宸濠賄劉瑾請復護衛許之

正德五年詔削慶王台滋護衛

已上諸王傳

九年甯王宸濠求復護衛給事中徐文溥諫曰曩因甯藩

不靖英廟革其護衛逆瑾亂政重賄謀復瑾既伏誅陛下
又革之正欲制以義而安全之耳乃曰驅使乏人夫晏居
深邃靡征討之勞安享尊榮無居守之責何所用而乏人
且暴行大彰及今止之猶恐不逮顧可縱之加恣假翼於
虎乎疏入不聽

徐文
溥傳

總兵官

凡天下要害處所專設官統兵鎮戍其總鎮一方者爲鎮
守獨鎮一路者爲分守各守一城一堡者爲守備與主將
同守一城者爲協守又有提督提調巡視備禦領班備倭
等名凡總兵副總兵率以公侯伯都督充之宣德間設山

西陝西二總兵嘉靖間分設廣東廣西貴州湖廣二總兵
爲四改設福建保定副總兵爲總兵又添設浙江總兵萬
厯間又增設於臨洮山海天啟間增設登萊至崇禎益紛
不可紀

職官志
王圻考

明初武事俱寄之都指揮使司後設總兵事權最重先是
公侯伯專征者皆列尙書上自建總督後總兵稟奉約束
卽世爵俱不免庭趨其後漸以流官充總鎮秩位益卑當
督撫到任之初兜鑒執仗叩首而出繼易冠帶肅謁乃加
禮貌焉嘉靖中卽周尙文位三公萬厯間李成梁躋五等
亦循此規不敢踰也

野獲
編

洪武二年十月設總兵官

大政記

四年費聚副安陸侯吳復爲總兵十八年命爲總兵官

七年海上有警吳禎復充總兵官

二十年命藍玉行總兵官事

建文二年命李景隆爲平燕將軍充總兵官陳暉平安爲左右副總兵馬溥徐真爲左右參將

成祖卽位命何福佩征虜將軍印充總兵官

永樂元年鄭亨充總兵官備宣府

二年王友充總兵官沿海備倭

四年李彬充總兵官備倭海上

七年命邱福佩征虜大將軍印充總兵官王聰霍親爲左

右副將王忠李安爲左右參將

已上見各本傳霍親舊作火真

洪熙元年二月辛丑頒將軍印於諸邊將初鎮守邊將有佩將軍印者多係特命謂之挂印將軍至是始頒各鎮將軍印總兵六人雲南黔國公沐晟征南將軍大同武安侯鄭亨征西前將軍廣西鎮遠侯顧興祖征蠻將軍遼東武進伯朱榮征虜前將軍宣府都督譚廣鎮朔將軍甘肅都督費璵平羌將軍參將四人交趾榮昌伯陳智都督方正征夷副將軍甯夏保定伯梁銘都督陳懷征西將軍後設薊州淮安總兵皆在畿內不得挂印稱將軍

昭代典則系之正月本紀

二月辛丑
茲據之

成化中周璽以右副總兵分守代州兼督偏頭諸關璽以偏頭去太原遠請改分守爲鎮守又以鎮守不當聽節制乞易總兵銜從之

劉甯傳

正德四年固原總兵官曹雄上言故事布按二司及兵備道臣文移達總兵官者率由都司轉達今邊務亟徵調不時都司遠在會城往返千里恐誤軍機乞如巡撫大同例徑呈總兵官便兵部覆如其言既復受劉瑾屬奏雄鎮守未佩印宜如各邊例特賜印以重其權乃進雄署都督同知以延綏總兵官吳江所佩征西將軍印佩之而別鑄靖

虜將軍印予江

曹雄傳

十一年尙書王瓊奏陝西延綏甯夏甘肅三邊先年各設總兵官一員其陝西省城並固原地方原無設立宏治十四年邊賊入寇暫設副總兵一員於固原駐劄不久裁革以後或留或革或兩員並設事體不一近年將副總兵趙文暫移河州駐劄原議邊寇甯息另行定奪見今趙文升充總兵官專一固原駐劄鄭卿升副總兵仍在河州今戶部署郎中馬應龍奏稱鄭卿在彼罔恤軍民疾苦窮極剝削等情合無將鄭卿革回原衛帶俸其原任協守副總兵員缺不必推補疏入從之

明臣奏議

時倭亂未靖漕運總督王廷建議以江南屬鎮守總兵官

專駐吳淞江北屬分守副總兵專駐狼山遂爲定制

王廷傳

嘉靖時仇鸞奏革薊州總兵官李鳳鳴大同總兵官徐珏任而薦京營副將成勳代鳳鳴密雲副將徐仁代珏旨從中下兵部侍郎王邦瑞言朝廷易置將帥必采之公卿斷自宸衷所以慎防杜漸示臣下不敢專也且京營大將與列鎮不相統攝何緣京營乃黜陟各鎮今曲徇鸞請臣恐九邊將帥悉奔走託附非國之福也帝不悅下旨譙讓

王邦瑞傳

三十七年巡撫都御史李遂奏淮揚地方濱臨江海而狼

山一帶尤爲適中要害地請添設副總兵一員駐劄通州操練兵馬有警移駐狼山與金山副總兵彼此會哨出洋夾攻其通州參將移駐鹽城鹽城把總移駐大河口各赴改擬地方就便行事疏入從之

明臣奏議

四十一年三月從總督浙直胡宗憲請於南贛設副總兵官以吉安守備屬之於建昌撫州設參將以鉛山守備屬之復設游擊於南昌省城而以鄱陽守備改爲參將令專練舟師控制九江

三編

四十二年福建巡撫譚綸奏請以戚繼光充總兵官鎮守福興九郡一州其三路參將悉改爲守備卽以繼光部下

偏裨曉暢兵事屢立戰功者充補

同上

四十五年九月給事中歐陽一敬言廣西總兵官原以流官都督爲之後改用勲臣與提督同駐梧州重爲地方煩擾今宜召恭順侯吳繼爵還京仍選用流官移鎮廣西會城部議請設兩廣總兵官以俞大猷鎮廣西湯克寬鎮廣

東

紀通

隆慶元年奏准遼東總兵宜以隆冬之時移鎮遼陽以援海疆瀋陽冰解回軍廣甯以防土蠻

二年兵部覆奏甯波旣設海道副使兵備事可以兼攝其紹興兵備可省令甯紹台分守參議移駐紹興台州兵備

僉事兼分巡三府至於甯紹台參將各防禦信地仍聽總兵官居中調理上從之

已上王圻考

是年五月以戚繼光總理薊州昌平保定三鎮練兵事至鎮上疏言臣官爲勦設諸將視爲綴疣安從展布下兵部議薊鎮既有總兵又設總理事權分諸將多觀望宜召還總兵郭琥專任繼光從之乃命繼光以總兵鎮守薊州永平山海諸處

繼光傳

先是陝西止設四鎮萬厯中西甯多警增設臨洮總兵官

遂爲五鎮

李懷信傳

崇禎元年袁崇煥督師薊遼欲更置大將上言臣昔爲巡

撫定議關外止設一總兵其時魏忠賢竊柄崔呈秀欲用其私黨增設三四人以致權勢相衡臂指不運乃止留甯遠及前鋒二人而臂指之不運猶故也臣以爲甯遠一路斷宜併歸前鋒總兵駐關內者挂平遼將軍印轄山石二路而以前屯隸之駐關外者挂征遼將軍印轄甯遠一路而以錦州隸之

何可綱傳

十一年二月河南巡按御史張任學見羣盜縱橫自請易武階爲國平賊上壯之下吏兵二部及都察院議僉以文吏無改武職者請仍以監軍御史兼總兵事上不從命署都督僉事爲河南總兵官

任學傳

十五年禮部侍郎蔣德璟言祖制三協止一督一撫一總兵今增二督三撫六總兵又設副將數十人權不統一何由制勝

德璟傳

大將軍

明將鎮守各邊挂印稱將軍其在薊州淮安鎮守漕運總兵以畿內故不得挂印稱將軍有大征討遣總兵則挂平賊將軍平胡將軍平虜將軍征夷將軍征虜將軍討賊將軍或大將軍或前將軍副將軍印行事事已納印

王圻考

明初命徐達爲大將軍授節鉞訖出勒所部建牙鳴鼓角正行列擎節鉞鼓吹前導百官以次送其時大將軍任重

職專儀亦極盛他如常遇春等不過稱副將軍焉後成國

公朱能征安南亦爲大將軍凡有大征討率以五府都督

及公侯伯充大將軍續通典文彬按太祖本紀拜大將軍者徐達後有馮勝藍玉建文時有李

景隆耿炳文而通典止載朱能能於永樂四年七月爲征夷將軍十月卒證之成祖紀及能本傳皆未稱大將軍

征虜大將軍 徐達吳元年洪武三年 馮勝二十 藍

玉同 耿炳文建文元年 李景隆同 邱福永樂七年以

鎮朔大將軍 薛祿洪熙元年三月 顧興祖十一月 楊洪景泰元年

石亨同 朱永成化十年

靖虜大將軍 朱暉宏治十三年

平虜大將軍 柳溥天順初見本傳 杭雄嘉靖三年 仇

鸞二十九年

都護大將軍

郭勛

嘉靖十八年世宗幸承天以勛爲之弇山集

將軍

征南將軍

湯和

吳元年

胡廷瑞

同上

傅友德

吳元年洪武十四年

二十一年

廖永忠

洪武元年

周德興

三年

鄧愈

五年

鄧鎮

十六年

年

楊文

二十年

顧成

二十年

韓觀

永樂見劉儁傳

沐晟

洪熙

元年正統三年

沐昂

四年

陳懋

正統三年

統十年

征戍將軍

鄧愈

洪武元年

靖海將軍

郭英

洪武八年

征西將軍

湯和

洪武四年

馮勝

五年

鄧愈

五年

沐英

十一年

年

耿炳文

年三十

梁銘

洪熙元年

平羌將軍

丁鈺

洪武十年

何福

二十年

李景隆

七年

甯

正

同上

齊讓

年三十

宋晟

成祖初

費瓛

洪熙元年

陳懋

英宗

初

征虜將軍

湯和

洪武十年

傅友德

二十年

楊文

年三十

何福

惠帝初

張輔

永樂七年

任禮

正統二年

平燕將軍

盛庸

建文二年

鎮朔將軍

譚廣

洪熙元年

見本傳

周玉

成化

莊鑑

宏治

征夷將軍

朱能

永樂四年

張輔

同上

沐晟

五年

李彬

十五年

王通

宣德元年

顏彪

天順五年

李瑾

成化三年

平蠻將軍

蔣貴

正統六年

宮聚

十三年

王驥

十四年

梁

瑤

景泰元年

陳銳

成化初年

余大猷

嘉靖

平夷將軍

石彪

天順二年

平胡將軍

朱永

成化二年

王越

十六年

平虜將軍

楊信

成化二年

朱永

十六年

趙輔

八年

劉聚

同上

靖虜將軍

朱永

成化元年

陳銳

宏治十三年

平賊將軍

時源

正德七年

征蠻將軍

王瑾

嘉靖初年

歐信

天順

前將軍

征虜前將軍

傅友德

洪武四年二十三年

沐春

三十一年

朱榮

洪熙

巫凱

宣德

征西前將軍

鄭亨

洪熙

前將軍

宋琥

永樂八年

副將軍

征虜副將軍

常遇春

吳元年

李文忠馮勝湯和鄧愈

洪武

三年李文忠馮勝爲左右副將軍鄧愈湯和爲左右副將軍

前副將軍顧時

四年

左副將軍李文忠

五年

湯和傅友德

十四年

周德興

十八年

傅友德藍玉

二十年

唐勝宗郭英

同上

王弼郭英

二十年

李堅甯忠

建文元年

王聰霍親

永樂七年

張輔

九年

柳升

宣德元年

征南副將軍

吳禎何文輝廖永忠

皆吳元年

朱亮祖

洪武元年

周德興吳良

五年

藍玉沐英

十四年

沐英陳桓

二十一年

韓觀宋晟

二十八年

征西副將軍

周德興廖永忠

洪武四年

沐英

十年

郭英

三十

年

平燕副將軍

陳暉平安

建文二年

征夷副將軍

左右副將軍沐晟張輔

永樂四年

韓觀

九年

仇鸞

嘉靖十六年

柳珣

十九年

平羌副將軍

蔣貴趙安

正統二年

平蠻副將軍

李安劉聚

正統六年

平虜副將軍

劉玉

成化四年

威武副將軍

朱泰

正德十四年

偏將軍

李文忠

洪武二年以偏將軍從右副將軍常遇春出塞

湯和

洪武元年拜偏將軍從大將軍西征

王志

洪武中用兵西南皆以偏將軍從

列將軍

游擊將軍

總兵以下官

佐擊將軍

唯京營有之

驃騎將軍

永樂中薛祿冀祿
冀中顧成朱榮等

神機將軍

永樂八年侯
鏞陳賢等

鷹揚將軍

永樂八年
金玉等

輕車將軍

永樂八年
李文等

大漢將軍

扈從官屬
錦衣衛

紅盔將軍

永樂中置
備宿衛

明甲將軍

同上

其他金吾龍虎及鎮國定國奉國昭勇昭毅昭武懷遠定
遠明威宣威廣威宣武顯武信武武德武節武略武毅各
將軍皆武臣散階無所職掌

通典

留守司

元上都留守司

洪武十四年九月丁酉置中都留守司統鳳陽等八衛防護皇陵設留守一人左右副留守各一人嘉靖十八年改荊州左衛爲顯陵衛置興都留守司統顯陵承天二衛防護顯陵設官如中都職官志

都指揮使司

元宣慰司都元帥府

洪武三年升杭州江西燕山青州四衛爲都指揮使司以徐司馬濮英爲都指揮使復置河南西安太原武昌四都指揮使司都司之名自此始明史稿

初太祖置各都衛指揮使司節制方面八年詔改爲都指

揮使司凡都司十有三北平陝西山西浙江江西山東四川福建湖廣廣東廣西遼東河南行都司三西安大同建甯三編

九年命都督府擇公侯都督及各衛指揮嫡長次子才可試用者爲散騎參侍舍人隸都督府佩弓刀充宿衛或署各衛所司聽省府臺部差遣才品超卓者不次用之史稿
十五年置貴州雲南二都指揮使司

二十年九月置大甯都指揮使司明年改爲北平行都司
已上
三編

二十二年二月壬戌禁武臣預民事初上置軍衛以武臣

統領所部兵馬除軍民詞訟事重者許會問外其餘不得干預時有廣西都指揮耿良造譙樓令有司起發科斂兵丁財物青州衛造軍器亦擅斂民財上聞之詔申明禁例凡在外都司衛所遇有造作千戶所移之衛衛達指揮司司達五軍都督府奏准方許之其物料並自官給毋得擅取於民民間詞訟雖事涉軍務者均歸有司申理毋得干預並著爲令

昭代典則

二十五年十二月丙子命各都指揮使以兵馬糧儲之數及關隘衝要山川險易道里遠近悉繪圖以聞

大政記

三十年定武官軍役之制指揮同知僉事四千戶三百戶

鎮撫二皆取正軍三日一番上下直歸伍操練衛所直應

六守門二守監四守庫一皆老軍充役歲一更

兵志

永樂元年三月改北平行都司爲大甯都司徒保定

三編

計天下都司凡十有六十三省都司外有遼東大甯萬全

三都司行都司凡五陝西山西福建四川湖廣

職官志

宣德八年五月禁各都司泛濫差遣

大政記

正德二年總制三邊楊一清奏參將分疆畫地各守一隅

所謂守將游擊隨敵聲勢往來策應所謂戰將二者未有

不相通而目前之用則先其所急竊見分守延綏東路右

參將時源慣經戰陣驍勇著聞今分守一方雖未嘗廢事

使當游擊之任衝鋒破敵是其所長延綬游擊將軍戴欽才識疏通曉暢邊情今爲游擊非無可取若居分守其所建立必有過人況延綬慣戰精銳之兵東西應援必得驍將領之而神木孤山一帶營堡密邇河套敵人畏冬首先窺伺分守得人有不戰自屈之勢乞將時源改充游擊將軍戴欽改任分守參將易地而居各當其才戰守之寄兩有所託

明臣奏議

衛指揮使司

所附元諸路有萬戶府千戶所百戶所

外衛各統於都司行都司或留守司率世官或有流官設官如京衛凡襲替升授優給優養報都指揮使司達所隸

都督府移兵部每歲撫按察其賢否五歲一考選軍政廢置之

洪武七年八月申定衛所之制先是內外衛所凡一衛統十千戶一千戶統十百戶百戶領總旗二總旗領小旗五十小旗領軍十至是重定其制每衛設前後中左右五千戶所大率以五千六百人爲一衛一千一百二十人爲一千戶所一百一十二人爲一百戶所每百戶所設總旗二人小旗十人

二十年命衛所各立掌印僉書專職理事

二十三年設軍民指揮使司軍民千戶所計天下內外衛

凡五百四十有七所凡二千五百九十有三自衛指揮以下其官多世襲其軍士亦父子相繼爲一代定制已上職官志宣德五年從平江伯陳瑄言以衛官職漕運東南之卒由是困

兵志

土官

元宣慰司多在內地其在遠服則有招討安撫宣撫等使

洪武七年西南諸蠻夷朝貢多因元官授之稍與約束定征徭差發之法漸爲宣慰司者十一爲招討司者一爲宣撫司者十爲安撫司者十九爲長官司者百七十有三其府州縣佐貳屬官或土或流皆因其俗使之又有番夷都指揮使司三衛指揮使司三百八十五宣慰司三招討司

六萬戶府四千戶所四十一站七地面七寨一並以附寨

番夷官其地

職官志

永樂二年十月己巳製信符金字紅牌給雲南諸夷其各土司設經歷都事吏目掌文書

大政記

宣德二年帝以所授諸司宜有等殺兵部議以四百戶以上者設長官司四百戶以下者設蠻夷官司元土官子孫量授以職從所招官司管屬皆從之令三年一朝貢如故事

土司傳

土官升府部大臣洪武土官宣慰使鄭彥文升工部左侍郎永樂交州府知府阮均爲刑部左侍郎建昌府知府同

彥翊演州府同知黎思凱爲刑部右侍郎景泰時廣西都指揮同知黃珌爲前軍都督府同知

夢餘錄

雲南諸司吏舊不得給由父滿子代宏治初巡按御史劉丙請如例考入官流戍僉發必經兵部多淹延至死丙請屬之撫按土官無後者請錄其弟姪勿令妻妾冒冠服俱著爲例

劉丙傳

宏治二年十月令土官先報應襲子弟守臣審覈書冊

大政記

四年雲南布政使韓文以土官襲代旁支賄奪土吏滿兩考者例不赴京於境內轉相參補於是釐正宿弊始立定

法奏行之

明政統宗

十七年正月貴州撫臣劉洪乞賜土官漢姓帝命隨土俗所稱不必徧賜

大政記

廣西土官承襲長吏率要賄不時奏以故諸酋怨叛太平知府胡世甯令生子卽聞府應世及者年十歲以上朔望

謁府父兄有故按籍請官於朝土官大悅

胡世甯傳

嘉靖九年以土司府州縣等官隸驗封宣慰等官隸武選隸驗封者布政司領之隸武選者都指揮領之

土司傳

貴州土官以百數水西安氏最大而土地戶口貢賦之數無籍可稽巡按御史楊鶴乃檄宣慰安位盡著之籍并首

領目把主名承襲源委悉列上有司自是簿牒始明奸弊

易跋

楊鶴傳

明會要卷四十二終

明會要卷四十三

永新龍

職官十五

封爵

封功臣

明初開基曠然復古凡熊羆之宿將帷幄之謀臣生著號而歿襲封茅土之頒殆逾百數馴及季年黨獄蔓延剗削芟殊存者不及三四然觀鐵榜所列訓誡之辭則河山之誓白馬之盟初意固不其然高危滿溢亦其自取焉乃若文皇差靖難之勞英宗懋奪門之賞跡參佐命籍次元功

以視開國諸臣亦曷可同年而語乎世宗中葉開冊府之舊藏脩繼絕之隆典於是鄂曹衛信之裔復列徹侯延其世緒天下翕然歸厚雖宋潁韓淇終於勦絕而其推誠宣力名載丹書者弈葉貂蟬保守祿位典宿衛領京營鎮陪京督漕運寄隆方岳階晉公孤家分典瑞之榮朝無耐金之罰較西京世胄殆將過之

功臣表

明史職官志封爵止有公侯伯三等考列傳載李貞隴西王由恩親侯追封徐達中山王常遇春開平王李文忠岐陽王鄧愈甯河王湯和東甌王沐英黔甯王沐晟定遠王張玉河間王張輔定興王朱能東平王朱永宣平王朱勇

平陰王皆卒後追封及張懋甯陽王朱希忠定襄王以恩
舊追封而功臣世表又有盱眙縣子王德清羅山縣子王
鳳顯定遠縣子姜潤梁縣子石明合肥縣子王德懷遠縣
子常德勝含山縣子丁宇廬江縣子汪澤巢縣子陳沖定
遠縣子王喜仙汝陽縣子達德山宣遠縣子裴軫等十二
人當塗縣男王愷丹陽縣男孫炎合肥縣男徐明五河縣
男王理彭城縣男王仁定遠縣男史德勝萬春縣男常惟
德含山縣男曹信虹縣男鄭興隋縣男羅世榮等十人皆
從征死事者係明初追封洪武後不概見故史所載封爵
止有公侯伯三等

洪武三年十一月丙申大封功臣命大都督府兵部錄上
諸將功績吏部定勳爵戶部備賞物禮部定禮儀翰林院
撰制誥遂頒爵行賞封公者六人進李善長爲韓國公徐
達爲魏國公常遇春子茂爲鄭國公李文忠曹國公鄧愈
衛國公馮勝宋國公侯者二十八人湯和中山侯唐勝宗
延安侯陸仲亨吉安侯周德興江夏侯華雲龍淮安侯顧
時濟甯侯耿炳文長興侯陳德臨江侯郭子興鞏昌侯王
志六安侯鄭遇春滎陽侯費聚平涼侯吳良江陰侯吳禎
靖海侯趙庸南雄侯廖永忠德慶侯俞通源南安侯華高
廣德侯楊璟營陽侯康茂才子鐸蘄春侯朱亮祖永嘉侯

傅友德潁川侯胡美豫章侯韓政東平侯黃彬宜春侯曹良臣宣甯侯梅思祖汝南侯陸聚河南侯並賜誥命鐵券明日諸臣入謝帝謂善長雖無汗馬勞然事朕久給軍食功甚大徐達征討四方摧堅撫順勞勩居多此二人者已列公爵宜進封大國以示褒嘉餘悉據功定封至公無私若有不稱卿等宜廷論之無有後言已又封汪廣洋忠勤

伯劉基誠意伯

洪武聖政記

五年六月作鐵榜戒功臣臚目凡九諭之曰朕起布衣賴股肱宣力平定天下旣已論功封賞傳及子孫共享太平尙慮公侯家奴僕倚勢驕恣冒犯國典今以鐵榜申明律

令卿等各宜謹守其身嚴訓於家以稱朕始終保全之意

昭代
典則

十二年十二月封征西功臣藍玉永昌侯王弼定遠侯張
龍鳳翔侯吳復安陸侯謝成永平侯張溫會甯侯曹興懷
遠侯周武雄武侯金朝興宣德侯仇成安慶侯葉昇靖甯
侯曹震景川侯

明政
統宗

二十六年三月頒示稽制錄於功臣上卽位以來封賚功
臣稽考前代典禮凡封爵祿食禮儀等差皆因時損益然
諸功臣多武人不學往往恃功驕恣或任情廢法及藍玉
以罪誅籍其家服舍器用僭侈踰制因詔儒臣稽考漢唐

宋功臣封爵食邑之多寡及名號虛實之等第編緝成書

御製序文頒示使之朝夕省覽以遏其僭侈之萌

昭代典則

成祖卽位論靖難功封邳福淇國公朱能成國公張武成
陽侯陳珪泰甯侯鄭亨武安侯孟善保定侯火真同安侯
顧成鎮遠侯王忠靖安侯王聰武城侯徐忠永康侯張信
隆平侯李遠安平侯郭亮成安侯房寬思恩侯徐祥興安
伯徐理武康伯李濬襄城伯張輔信安伯唐雲新昌伯譚
忠新甯伯孫巖應城伯房勝富昌伯趙彝忻城伯陳旭雲
陽伯劉才廣恩伯追封張玉榮國公譚淵崇安侯陳亨涇
國公王真金鄉侯又以款附封王甯永春侯茹瑺忠誠伯

王佐順昌伯陳瑄平江伯

明政統宗

天順元年錄奪門功封石亨忠國公張軌太平侯張輓文
安伯楊善興濟伯進徐有貞兵部尚書有貞意未愜數請
於亨曰願得冠側注從兄後亨入言之尋封武功伯三編
宏治中西平裔孫當襲侯守臣爭之謂滇人知有黔國公
不知西平侯也孝宗以爲然許之自是遂以公爵佩印爲

故事

介山集

世宗在興邸深知王守仁平宸濠功甫卽位趨召入朝受
封大學士楊廷和以王瓊故銜之廷臣亦多忌其功乃託
言國喪未畢不宜錫宴行賞因拜守仁南京兵部尚書已

論功封新建伯然不予鐵券歲祿亦不給至隆慶初廷臣
多頌其功詔贈新建侯

王守仁傳

封外戚

明太祖立國家法嚴史臣稱后妃居宮中不預一髮之政
外戚循理謹度無敢恃寵以病民漢唐以來所不及詒謀
既遠宗社奠安而椒房貴戚亦藉以保福慶逮子孫所全
不已多乎惟英宗時會昌侯孫繼宗以奪門功參議國是
自茲以下其賢者類多謹身奉法謙謙有儒者風而一二
怙恩負乘之徒所好不過田宅狗馬音樂所狎不過俳優
伎妾非有軍國之權賓客朋黨之勢而在廷諸臣好爲危

言激論汰如壽甯兄弟庸駑如鄭國泰已逐影尋聲抨擊
不遺餘力故有明一代外戚最爲孱弱然而惠安新樂舉
家殉國嗚呼卓矣

外戚傳序

洪武二年追封陳公

高皇后父
逸其名

揚王媼王夫人馬公

高皇后父

逸其名

徐王媼王夫人

外戚傳

初太祖欲訪后族官之后謝曰爵祿私外家非法力辭而
止

徐皇后弟增壽常以國情輸之燕爲惠帝所誅成祖卽位
欲贈爵后力言不可帝不聽竟封定國公命其子景昌襲
乃以告后后曰非妾志也終弗謝

已上后妃傳

宏治二年封錢承宗安昌伯世襲容皇后從孫也

弁山集

初憲宗優生母外家周氏而薄錢氏故后家不獲封至是

承宗祖母援憲宗外家王氏例請封乃有是命

文彬按明史外戚表

載承宗於成化十五年封安昌伯春明夢餘錄亦同然外

戚傳明云憲宗薄錢氏故后家不獲封泳化類編云成化

十五年錢雄卒子承宗幼陞錦衣指揮宏治二年比王源

乞恩封安昌伯與世券明史稿弁山集皆同且傳云比憲

宗外家王氏例請封而王源於成化二十年封瑞安伯則

承宗之未受封於成化時昭然無疑況以上尊號附葬二

於承宗表或沿夢餘錄之譌也

四年二月封皇后父張巒爲壽甯伯巒請勳號誥券王恕

言錢王兩太后正位中宮數十年錢承宗王源始封爵今

皇后立甫三年巒已封伯遽有此請累聖德不可許不聽

王恕

五年三月復進巒爲侯

外戚表

十八年長甯伯周瑛求爲侯吏部言封爵出自朝廷無請乞者乃止

外戚傳

嘉靖二年進壽甯侯張鶴齡爲昌國公陳萬言爲泰和伯吏部尙書喬宇等言累朝皇太后戚屬無生前封公者且昌國公乃鶴齡父張巒歿後所贈今奈何以父贈爲子封萬言封伯比巒更驟非制願陛下守典章以垂萬世

喬宇傳

給事中張原亦言祿以報德爵以賞功天地之常經祖宗之定制不可易也陛下當以爵祿爲公天下之具以待天下有才德之人不宜私恩外家以隳祖宗法制俱不聽

明政

宗統

四年安昌伯錢承宗卒子維圻嗣尋卒承宗母請以庶長子維垣嗣世宗以外戚世封非祖制下廷臣議八年十月上議曰祖宗之制非軍功不封洪熙時都督張景封彭城伯弟昇亦封惠安伯外戚之封自此始循習至今有一門數貴者歲糜厚祿踰分非法臣等謹議魏定二公雖係戚里實佐命元勳彭城惠安二伯以恩澤封而軍功參半其餘外戚恩封母得請襲有出特恩一時寵錫者量授指揮千百戶之職終其身制曰可外戚傳

六年昌化伯邵蕙卒無子帝令蕙弟萱嗣蕙姪錦衣指揮

千戶茂言蕙非嫡派不當襲蕙母爭之議久不決大學士張璉等言邵氏子孫已絕今其爭者皆旁支不宜嗣時帝必欲爲太后弟喜立後乃以喜兄安之孫杰爲昌化伯明年明倫大典成命武定侯郭勛頒賜戚畹弗及杰杰自請之帝詰勛怒錄邵氏爭襲章奏許杰實他姓請覆勘會給事中陸粲論大學士桂萼受杰賂使奴隸冒封爵帝怒下粲獄而盡革外戚封杰亦奪襲同上

繼絕世

宏治六年帝以太廟配享功臣追封王者六人而其子孫不替爵者惟中山黔甯二王裔餘皆凌夷與編氓伍令吏

部訪以聞乃得常遇春元孫復李文忠元孫璿鄧愈五世

孫炳湯和六世孫紹忠皆命襲指揮使奉先祀

編三

嘉靖十一年刑部主事李瑜言劉基翊運之功宜配享襲封與徐達並部議以贊畫帷幄基功實多太祖召諭再三許以世襲載在國史願興亡繼絕上允其議封基九世孫瑜爲誠意伯併詔求常遇春李文忠湯和鄧愈後皆許傳

襲

通紀

吏部尙書王瓊言常遇春李文忠湯和鄧愈子孫奉命傳襲封侯例有爵號惟皇上裁示上命封遇春八世孫振爲懷遠侯文忠七世孫性爲臨淮侯愈六世孫繼坤爲定遠

侯和六世孫紹忠爲靈壁侯於是開平岐陽甯河東甌四
王復延世緒統宗

封降夷

洪武二十年封元降將納克楚海西侯尋卒子察罕改封

瀋陽侯

馮勝傳

李賢初名丑驢洪武二十一年來歸仁宗封忠勤伯薛斌傳以

下皆降後賜姓名

霍親初名火里火眞洪武時歸附成祖初封同安侯邱福傳

吳允誠初名巴圖特穆爾永樂三年來歸封恭順伯本傳

薛斌初名脫懽永樂十八年封永順伯本傳

薛貴初名脫火赤永樂二年封安順伯

薛斌傳

金忠蒙古王子名額森托噶永樂二十一年以其部屬來

降封爲忠勇王

本傳額森托噶舊作也先土干

吳成初名買驢宣宗初封清平伯

本傳

李英宣德二年封會甯伯

本傳

金順宣德四年封順義伯

吳成傳

蔣信初名伯把台正統中封忠勇伯

金忠傳

毛勝景泰中封南甯伯

本傳

焦禮天順初封東甯伯

本傳

毛忠成化三年封伏羌伯

本傳

羅秉忠初名阿魯哥失里成化四年封順義伯本傳

和勇成化五年封靖安伯本傳

封佞幸

正德中封義子朱泰

本姓許

永定伯朱德永壽伯朱彬

本姓江

平虜伯彬弟泰安邊伯

嘉靖中封方士陶仲文恭誠伯

已上恩澤侯表

封宦官子弟

天順元年封內臣曹吉祥養子欽昭武伯

正德中封內臣張永弟富泰安伯富弟容安定伯馬永成

兄山平涼伯魏彬弟英鎮安伯谷大用兄大寬高平伯大

亮永清伯陸闇弟永鎮平伯

天啟中封內臣魏忠賢從子良卿甯國公良棟東安侯從

孫鵬翼安平伯

已上恩澤侯表

勳階

文勳十散階四十有二

正一品左右柱國 特進榮祿大夫 特進光祿大夫

從一品柱國 榮祿大夫 光祿大夫

正二品正治上卿 資善大夫 資政大夫 資德大

夫

從二品正治卿 中奉大夫 通奉大夫 正奉大夫

正三品資治尹 嘉議大夫 通議大夫 正議大夫
從三品資治少尹 亞中大夫 中大夫 大中大夫
正四品贊治尹 中順大夫 中憲大夫 中議大夫
從四品贊治少尹 朝列大夫 朝議大夫 朝請大

夫

正五品修正庶尹 奉議大夫 奉政大夫
從五品協正庶尹 奉訓大夫 奉直大夫

正六品 承直郎 承德郎

從六品 承務郎 儒林郎 吏出身授宣德郎

正七品 承事郎 文林郎 吏出身授宣議郎

從七品 從仕郎 徵仕郎

正八品 迪功郎 修職郎

從八品 迪功佐郎 修職佐郎

正九品 將仕郎 登仕郎

從九品 將仕佐郎 登仕佐郎

武勳十二散階三十

正一品左右柱國 特進榮祿大夫 特進光祿大夫

從一品柱國 榮祿大夫 光祿大夫

正二品上護軍 驃騎將軍 金吾將軍 龍虎將軍

從二品護軍 鎮國將軍 定國將軍 奉國將軍

正三品上輕車都尉 昭勇將軍 昭護將軍 昭武

將軍

從三品輕車都尉 懷遠將軍 定遠將軍 安遠將

軍

正四品上騎都尉 明威將軍 宣威將軍 廣威將

軍

從四品騎都尉 宣武將軍 顯武將軍 信武將軍

正五品驍騎尉 武德將軍 武節將軍

從五品飛騎尉 武略將軍 武毅將軍

正六品雲騎尉 昭信校尉 承信校尉

從六品武騎尉 忠顯校尉 忠武校尉

洪武元年授李善長徐達常遇春上柱國遇春卒仍贈上

柱國

弁山集

三年加李善長徐達左柱國自李文忠而下俱右柱國以後文臣得左柱國者劉健李東陽楊廷和梁儲楊一清張居正申時行武臣則李景隆張輔張懋郭勛皆異典也

同上

九年四月始定散官資階散官者初授之資階也其有陞授加授者以厯考爲差

通紀

九月給學士宋濂中順大夫欲任以政事濂辭曰臣無他長待罪禁近足矣帝益重之

宋濂傳

初尙書階正三品十三年中書省罷始進爲正二品而工部尙書單安仁致仕在前太祖念安仁勲舊二十年特授

資善大夫

單安仁傳

建文時更定勲階尙書曰特進資政上卿侍中曰資政卿二品如之侍郎曰資政亞卿三品如之郎中曰資政中大夫員外郎曰資政大夫給事中曰嘉政大夫

宏治十年九月加兵部尙書馬文升柱國文臣之加柱國者始自正統閒以授大學士楊士奇楊榮內閣也成化閒加尙書尹旻吏部也至是文升以兵部得之

嘉靖初致仕戶部尙書韓文進柱國太子太保柱國加於

致仕之後尤爲曠典

已上弁山集

十八年夏言加上柱國帝亦欲加嚴嵩嵩辭曰尊無二上非人臣所宜稱國初雖設此官左相國達功臣第一亦止爲左柱國乞陛下免臣此官著爲令典以昭臣節帝大喜允其辭

嚴嵩傳

四十四年徐階以十五年滿加上柱國辭

徐階傳

萬厯九年張居正以十五年滿加上柱國辭後卒以爲贈

張居正傳

宗藩歲祿

洪武五年定諸王宗人祿米每歲親王五萬石靖江王二

萬石郡王六千石郡王諸子年十五人賜田六十頃爲永業續通典

二十八年閏九月庚寅上謂戶部尙書郁新曰朕今子孫眾多天下官吏軍士日增俸給彌廣其斟酌古制量減各王歲支以足軍國之用於是定議減五之四並郡王公主以下皆議減有差著爲令昭代典則

仁宗卽位召漢王高煦赴京比至與趙王高燾並厚賜之復賜諸王金幣有差帝曰諸叔在者無幾諸兄弟唯趙王居京師他皆守藩於外朕旦夕念焉戶部其各益祿米差

次之三編

時鄭越襄荆淮滕梁七王未之藩令暫給米歲三十石遂

爲例

食貨志

宣德初詔鄭越襄荆淮五王歲給鈔五萬貫惟梁倍之

梁王傳

肅王瞻焰請加歲祿敕曰洪武永樂間歲祿不過五千石
莊王不言者以朝廷念遠地轉輸難故也仁考卽位加五
百石矣朕守祖制不敢違

肅王傳

正統元年遼府僚乞加王祿敕曰簡王得罪朝廷成祖特
厚待仁宗朝加祿得支二千石親親至矣王素乖禮度府
臣不匡正顧爲王請乎不許

遼王傳

十二年定王府祿米將軍自賜名受封日爲始縣主儀賓

自出閣成婚日爲始於附近州縣秋糧內撥給

食貨志

景泰七年定郡王將軍以下祿米出閣在前受封在後以

受封日爲始受封在前出閣在後以出閣日爲始

同上

宗室中有罪革爵者曰庶人英宗初頗給以糧嘉靖中月

支米六石萬厯中減至二石或一石

同上

嘉靖時伊王訐濇以祿薄上言先朝以河南課鈔萬七千

七百貫准祿米八千八年革諸王請乞租稅伊府課鈔亦

在革中乞補祿戶部言課鈔本成宏間請乞非永樂時欽

錫比河南一省缺祿者八十餘萬宜不許帝從部議

伊王傳

四十一年御史林潤言天下之事極弊而大可慮者莫甚於宗藩祿廩天下歲供京師糧四百萬石而諸府祿米凡八百五十三萬石以山西言存留百五十二萬石而宗祿二百十二萬以河南言存留八十四萬三千石而宗祿百九十二萬是二省之糧借令全輸不足供祿米之半况吏祿軍餉皆出其中乎宜令大臣集議共陳善後良策

食貨志

四十三年二月丁巳韓王府宗室一百四十餘人越關至陝西會城索逋祿

實錄

四十四年定宗藩條例郡王將軍七分折鈔中尉六分折鈔郡縣主郡縣鄉君及儀賓八分折鈔他冒濫者多所裁

減食貨
志

公侯伯歲祿

據明史功臣表證之會典所載爵除者不錄

徐魏國公五千石

後封定國公二千五百石

李曹國公三千石

後封臨淮

侯千石

鄧衛國公三千石

後封定遠侯千石

湯信國公三千石

後封靈璧侯千石

石

常鄭國公二千石

鄂公遇春子後封懷遠侯千石

沐黔國公三千石

朱成國公四千二百石

張英國公

三千二百石

梁保定伯一千五百石

朱撫甯侯蔣定

西侯趙武清侯郭成安侯曹豐潤伯皆千二百石

宋西

甯侯吳清平侯陳武平侯施懷柔伯費崇信伯衛宣城伯
皆千一百石 郭武定侯陳泰甯侯鄭武安侯顧鎮遠侯
徐永康侯張隆平侯陳甯陽侯柳安遠侯孫懷甯侯徐興
安伯李襄城伯譚新甯伯孫應城伯趙忻城伯陳平江伯
張安鄉伯陳遂安伯王靖遠伯朱撫甯伯毛南甯伯毛伏
羌伯劉甯晉伯楊彰武伯王新建伯皆千石 薛陽武侯
陳保定侯朱武進伯方南和伯焦東甯伯李甯遠伯皆八
百石 劉誠意伯劉廣甯伯皆七百石 李豐城侯五百
石

公五千石至二千五百石侯千五百石至千石伯千石至

七百石

食貨志

洪武三年十二月己卯賜勳臣田

本紀

二十五年八月甲戌給公侯歲祿初上賜勳臣公侯丞相以下莊田多者百頃又賜諸武臣公田以其租入充祿勳臣佃卒多倚勢干禁至是給歲祿歸賜田於官

三編

成祖卽位令公侯伯全支米永樂二年戶部議公侯駙馬伯儀賓祿米二百石以上者請如文武官例米鈔兼給

郁新

傳

仁宗卽位命英國公張輔所受太師俸於北京倉支給時

百官俸米皆給於南京此蓋特恩云

張輔傳

成化十七年英國公張懋等四十三人自陳先世以大功襲爵子孫承繼所司輒減歲祿非祖宗報功意戶部侍郎潘榮等言懋等於無事時妄請增祿若有功何以勸賞況頻年水旱國用未充所請不可許事乃寢

潘榮傳

百官祿秩

正一品

一千四十石

太師

太傅

太保

宗人府宗人令

左右宗正

左右宗人

左右都督

從一品

八百八十石

少師

少傅

少保

太子太師

太子太傅

太子

太保 都督同知

正二品

七百三十二名

太子少師 太子少傅 太子少保 六部尚書 左

右都御史 衍聖公 都督僉事 正留守 都指揮

使 眞人

從二品

五百七十六石

左右布政使 都指揮同知

正三品

四百二十石

太子賓客 六部侍郎 左右副都御史 通政使

大理寺卿 詹事府詹事 太常寺卿 府尹 按察

使 副留守 都指揮僉事 衛指揮使

從三品

三百一十二石

光祿寺卿 太僕寺卿 行太僕寺卿 苑馬寺卿

布政司參政 都轉運鹽使 京衛指揮同知 留守

司指揮同知 宣慰使

正四品

二百八十八石

左右僉都御史 左右通政 膳黃右通政 大理寺

少卿 太常寺少卿 太僕寺少卿 少詹事 鴻臚

寺卿 京府府丞 按察司副使 行太僕寺少卿

知府 衛指揮僉事 宣慰司同知

從四品

二百五十二石

國子監祭酒 布政司參議 鹽運司同知 宣慰司

副使 宣撫司宣撫

正五品

一百九十二石

大學士

中極殿建極殿文華殿武英殿文淵閣東閣春坊

翰林院學士 左

右庶子 通政司參議、大理寺丞 光祿寺少卿

尙寶司卿 六部郎中 欽天監監正 太醫院院使

宗人府經歷 京府治中 上林院監監正 按察司

僉事 府同知 王府長史 儀衛正 正千戶 宣

慰司僉事 宣撫司同知

從五品

一百六十八石

翰林院侍讀學士 侍講學士 左右諭德 司經局

洗馬 鴻臚寺少卿 尙寶司少卿 六部員外郎

五府經歷 知州 鹽運司副使 鹽課提舉 市舶

提舉 儀衛副 衛鎮撫 副千戶 招討司招討

宣撫司副使 安撫司安撫

正六品

一百二十石

翰林院侍讀 侍講 左右中允 國子監司業 詹

事府府丞 六部主事 大理寺寺正 太常寺寺丞

都察院經歷 太僕寺寺丞 太醫院院判 尙寶司

司丞 欽天監監副 五官正 上林苑監監副 兵
馬司指揮 京府通判 京縣知縣 王府審理正
典仗 行太僕寺寺丞 苑馬寺寺丞 留守司經歷
都司經歷 百戶 宣撫司僉事 安撫司同知 副
招討 長官司長官 僧錄司善世 道錄司正一
神樂觀提點

從六品

九十
六石

左右春坊贊善 司直郎 翰林院脩撰 大理寺寺
副 光祿寺寺丞 署正 鴻臚寺寺丞 京府推官
布政司經歷 理問 鹽運司判官 鹽課同提舉

州同知 市舶副提舉 千戶所鎮撫 安撫司副使
僧錄司闡教 道錄司演法

正七品

九十石

都給事中 監察御史 翰林院編脩 營繕所所正
大理寺評事 都察院都事 通政司經歷 太常寺
典簿 博士 上林苑監監丞各典署 行人司司正
兵馬司副指揮 京縣縣丞 府推官 知縣 王府
審理副 按察司經歷 留守司都事 副斷事 都
司都事 副斷事 安撫司僉事

從七品

八十石

左右給事中 給事中 翰林院檢討 詹事府主簿
光祿寺典簿 署丞 中書舍人 行人司司副 五
官靈臺郎 苑馬寺主簿 祠祭署奉祀 京府經歷
太僕寺主簿 行太僕寺主簿 州判官 鹽課副提
舉 鹽運司經歷 布政司都事 副理問 五府都
事 衛經歷 宣慰司經歷 副長官

正八品

七十
八石

國子監監丞 五經博士 部院照磨 通政司知事
營繕所所副 欽天監主簿 保章正 協律郎 御
醫 行人司行人 上林苑監署丞 寶鈔提舉 京

縣主簿 按察司知事 府經歷 各抽分竹木局大
使 副使 典牧所提領 王府典膳正 典寶正
奉祀正 良醫正 紀善 工正 郡王府典膳 大
通關提舉 煎鹽同提舉 縣丞 宣慰司都事 僧
錄司講經 道錄司至靈 元符崇真宮靈官

從八品

七十
二石

左右春坊清紀郎 翰林院典籍 國子監博士 助
教 典簿 各祠祭署祀丞 光祿司錄事 監事
鴻臚寺主簿 五官挈壺正 京府知事 王府典膳
副 奉祀副 典寶副 良醫副 鹽運司知事 布

政司照磨 宣撫司經歷 僧錄司覺義 道錄司元義 神樂觀知觀

正九品

六十
六石

部院檢校 翰林院侍書 詹事府錄事 校書 國

子監學正 太常寺贊禮郎 鴻臚寺署丞 五官監

候 司厯 營繕所所副 上林苑監典簿 錄事

教坊司奉鑾

寶鈔副提舉

各大使

會同館文思院
外承運庫承運

庫廣惠庫廣積庫行用庫贓罰庫

甲字乙字丙字丁
皮作局鞍轡局寶

源局顏料局軍器局織染所雜造局茶馬司

大通關副提舉 各牧監監

正 王府典簿 典樂 典儀正 布政司檢校 按

察司照磨 煎鹽副提舉 府知事 縣主簿 宣撫

司知事

從九品

六十石

部院司務 翰林院待詔 左右司諫 司經局正字

國子監學錄 典籍 太常寺司樂 教坊司韶舞

司樂 犧牲所吏目 各牧監監副 各苑圍長 鴻

臚寺鳴贊 序班 五官司晨 漏刻博士 各大使

御馬倉軍儲倉節慎庫廣盈庫柴炭司司牲司司牧
局都稅司稅課司宣課司布政司倉庫雜造局軍器局
寶泉局織染 各副使 廣惠庫廣積庫贖罰庫甲字等
局各府倉庫 庫承運庫外承運庫會同館文
思院皮作局鞍轡局軍器
局織染所寶源局茶馬司 太醫院吏目 王府典儀

副教授 伴讀 按察司檢校 各牧監監副 府

照磨 四氏學教授 京衛府各學教授 司獄 巡

檢吏目 京縣典史 宣撫司照磨 醫學正科

陰陽學正術 僧綱司都綱 道紀司都紀

未入流

三十六石唐以後各代設官皆制爲九品品有正從共十八品九品之外有未入流自明始也

翰林院孔目 國子監掌饌 四氏學錄學司 各學

教諭訓導 司牲司牧副使 府檢校 縣典史 驛

丞 河泊所 牐官壩官 各大使副使 光祿寺銀

庫

大通關各鹽課司 鹽倉批驗所 抽分竹木局 生藥庫 惠民藥局 鐵冶所 遞運所 府倉 各州縣織

柴炭局 倉庫

留守司吏目 鹽課司吏目 長官司

吏目 蠻夷長官司長官副長官 醫學典科訓科

陰陽學典術訓術 僧正僧會 都紀道正道會

醫學以下

設官不給祿

明制總督提督巡撫經略總理贊理巡視撫治皆以都御史充之其品卽視其所帶之銜督糧道督冊道分守道皆以布政司參政參議充之提督學道清軍道驛傳道分巡道皆以按察司副使僉事充之其品亦卽視其所帶之銜故秩品中不特載其官

通典

右內外官共二萬四千六百員內官一千九百四十四員外官二萬二千七百九員

洪武初定丞相御史大夫以下歲祿數刻石官署取給於

江南官田

食貨志

四年正月定文武官歲祿

大政記

十三年重定內外文武官歲給祿米俸鈔之制正從一二三四品自千石至三百石每階遞減百石皆給俸鈔三百貫正五品二百二十石從減五十石鈔皆九十貫正從七品視從六品遞減十石鈔皆六十貫正八品七十五石從減五石鈔皆四十五貫正從九品視從八品遞減五石鈔皆三十貫勒之石

食貨志

十七年三月定凡文武憂制稽其在職一年廉勤無過者

照品給半祿終制三年厯考無過者給全祿終制著爲令

通紀

二十五年十一月更定百官祿正一品月俸米八十七石
從一品至正三品遞減十三石至三十五石從三品二十
六石正四品二十四石從四品二十一石正五品十六石
從五品十四石正六品十石從六品八石正七品至從九
品遞減五斗至五石而止自後爲永制

食貨志

洪武時官俸全給米間以錢鈔兼給錢一千鈔一貫抵米
一石成祖卽位令米鈔兼支官高者支米十之四五官卑
者支米十之七八

同上

成祖遷都北京百官月俸皆持俸帖赴南京支領米賤時俸帖七八石僅易銀一兩巡撫周忱請檢重額官田極貧下戶兩稅準納銀每兩當米四石解京兌俸民出甚少而官俸常足折銀之例始此

周忱傳

永樂十六年雙流縣知縣孔友諒上言六事一曰國朝制祿之典視前代爲薄今京官及方面官稍增俸祿其餘大小官自折鈔外月不過米二石不足食數人仰事俯育與道里往來費安所取資貪者放利行私廉者終窶莫訴請敕戶部勘實天下糧儲以歲支之餘量增官俸

黃澤傳

仁宗卽位增京官及軍士月廩諭戶部尙書郭資曰往年

百官軍士扈從月給米五斗今建都於此皆有室家恐不足以資生往往守義者困於饑寒玩法者恣無忌憚朕欲悉加倍給之其著爲令

明政
統宗

時官俸折鈔每石至二十五貫宣德八年禮部尙書胡濙掌戶部議每石減十貫而以十分爲準七折絹絹一匹折鈔二百貫少師蹇義等以爲仁宗在春宮久深憫官員折俸之薄故卽位特增數倍此仁政也詎可違之濙不聽竟請於帝而行之

日知錄

正統四年三月癸酉增南京及在外文武官軍俸廩

本紀

六年二月戊辰御史陳泰奏今在外諸司文臣去家遠任

妻子隨行祿厚者月給米不過三石薄者一石二石又多折鈔九載之間仰事俯育之資道路往來之費親故問遺之需滿罷閒居之用其祿不贍則不免失其所守而陷於罪者多矣乞敕廷臣會議量爲增益俾足養廉如是而仍有貪污懲之無赦事下戶部格不行

日知錄

十一月丙辰增給在外文武官吏軍士俸糧原定每石給鈔十五貫者今增爲二十五貫十二年四月丙辰戶部尙書王佐復奏減爲十五貫成化二年三月從戶部尙書馬昂請又省五貫

同上

主事李賢言指揮使月俸三十五石實支僅一石塞外降

人反支十七石五斗是一降人當京官十七員半矣

李賢傳

舊例兩京文武官折色俸上半年折鈔下半年給蘇木胡椒成化七年從戶部尙書楊鼎請以甲字庫所積之布估給布一匹當鈔二百貫是時鈔法不行一貫僅直錢二三文米一石折鈔十貫僅直二三十錢而布直僅二三百錢布一匹給米二十石則米一石僅直十四五錢自古官俸之薄未有若此者

官員俸給凡二曰本色曰折色其本色有三曰月米曰折絹米曰折銀米月米不問官大小皆一石折絹絹一匹當銀六錢折銀六錢五分當米一石其折色有二曰本色鈔

曰絹布折鈔本色鈔十貫折米一石後增至二十貫絹布折鈔絹每匹折米二十石布一匹折米十石正一品者本色僅十之三遞增至從九品本色乃十之七

已上食貨志

明會要卷四十三終